

立憲紀聞

中國立憲之起原

吾國之言變法。蓋數十年於茲矣。自甲午中日一戰。而吾國以東海大邦。見敗於扶桑三島。知微之士。乃冥心孤往。探索其由。始有見於強國之道。不在堅甲利兵。而實以修政立教為本原。政府諸公。有鑒於此。於是更新庶政。振興教育。凡彼邦之所賴以富強者。莫不舉而措之於國中。以為自強之道。在於此矣。然補苴罅漏。本實先撥。行之數年。而效仍未覩也。及甲辰日俄戰起。識者咸為之說曰。此非日俄之戰。而立憲專制二政體之戰也。自海陸交綏。而日無不勝。俄無不敗。於是俄國人民。乃羣起而為立憲之爭。吾國士夫。亦恍然知專制昏亂之國家。不足容於甘肅清明之世界。於是立憲之議。主者漸多。時孫府尹寶琦適奉使於法。首以改革政體為請。疆吏如署江督周制軍。鄂督張制軍之洞。署粵督岑制軍。春萱。又以立憲為言。而樞臣懿親。亦稍稍有持其說者。乙巳六月。直督袁制軍世凱奏請。簡派親貴。分赴各國。考察政治。以為改政張本。朝旨俞之。特派載公澤。戴尚書鴻慈。徐尚書世昌。端制軍方。四人。游歷各國。考察政治。以期擇善而從。時六月初四日也。二十五日。續派紹左丞英會同載戴徐端。前往考察。七月中旬。廷議派定載徐紹赴日。英法比等國。戴端赴美德義奧等國。分途前往。冀省時日。十九日。兩宮召見。諭以切實考求。為將來實行立憲之預備。二十日。駟車啟行。抵車站。為吳樾炸彈所阻。五大臣受重驚。時政府大老。以黨人橫行日下。非嚴行譏察。無以保全治安。乃議設巡警部。以徐為尚書。使當戒備之任。而出洋考政之事。遂暫置弗舉。九月。駐俄使臣胡星使惟德奏稱。俄已公布憲法。我國亟宜仿行。以期上下一心。共禦外侮。至九月二十八日。朝命改派李星使盛鐸尚方伯其亨。以代徐紹。偕澤戴

立憲紀聞 中國立憲之起原

丙午

立憲紀聞

考政大臣之陳奏及廷臣會議立憲情形

二

丙午

端前往考察五大臣既奉命調員籌資。至十一月十五日始部署訖事。載賦皇華分兩道。澤李尚為一道。戴端為一道。仍前議也。自此以後。溥海人民咸知朝廷實有與民更始之意。而希望立憲之情。乃益切矣。遠猷辰告。始於出使諸公。繼之者乃有樞臣疆吏。駐英汪星使。大變則因各國盼望立憲而奏請速定辦法。駐美梁星使。誠則因華僑要求立憲而奏請速定宗旨。學部尚書張尙書百熙。禮部侍郎唐侍郎景崇。暨署學督岑制軍春。查點撫林中丞紹年等。亦紛紛奏請立憲。而士夫於立憲之事。亦知詳加研究。以牖啓國民。不數月間。立憲之議。徧於全國。蓋至是而中國立憲之機。直如火然泉達。有不能自己之勢焉。

考政大臣之陳奏及廷臣會議立憲情形

五大臣歷聘諸邦。舟車所經。考其政治。至丙午六月。方及歲周。始考察告畢。分道回國。不期月而即奉明詔。宣立憲。海內外人民咸開大會。舉祝典。喜可知矣。雖然立憲之事。為吾國創局。哲臣達士。知時勢所迫。不得不出於立憲。其竭力贊成。固無容疑。而頑固者流。多為之說。以盡惑聖聽者。豈遂無人。吾聞之。四大臣李已赴比使任故未歸國之回京後。命也。兩宮召見澤公二次。端大臣三次。戴尙兩大臣各一次。垂問周詳。皆痛陳中國不立憲之害。及立憲後之利。兩宮動容。諭以只要辦妥。深宮初無成見。於是頑固諸臣。百端阻撓。設為疑似之詞。故作異同之論。或以立憲有妨君主大權為說。或以立憲利漢不利滿為言。肆其簧鼓。淆亂羣聽。澤戴端諸大臣地處孤立。幾有不能自克之勢。幸兩宮聖明。不為浮言所惑。諭令詳晰指陳。冀備採擇。故澤公又上一摺。數陳大計。力言今日國勢民情。均非立憲不可。且請破除滿漢意見。於向分滿漢界之事。一併除去。又謂近來反對此事者。未免祇顧目前。不規久遠。又謂滿人之言立憲不利者。實專為其一身利祿起見。決非忠於謀國。使行其排漢之政策。必至自取覆亡等語。兩宮覽奏。大為感動。端大臣亦具奏三次。第